

ԱՐՁԱՆԱԳՐՄԱՆ ՄԻ ԱՎԱՆԴԱԿԱՆ ՁԵՎԻ ՄԱՍԻՆ

Ա. Ա. ՄԱՆՈՒՉԱՐՅԱՆ

Բաղմապիսի վիժական արձանագրությունների թվում Հայաստանի ճարտարապետական հուշարձանների վրա հանդիպում են մի քանի յուրօրինակ ձևեր, որոնց փորագրման պատճառների սկզբունքային բացատրությունը կարող է հետաքրքիր լինել ճարտարապետության պատմությանը զբաղվող մասնագիտների համար:

Պեղումների ժամանակ Ջրվեժի եկեղեցու թմբուկի անկյունաքարերից մեկի վրա հայտնաբերվել են ՅՈՂԱՆ անվան արձանագրության առաջին երեք



տառերով: Արձանագրության տառաձևերը VI—VII դարի են: Հնագրական առումով առանձնապես բնորոշ է Յ տառը՝ իրար վրա դրված հավասարաչափ կիսարկաղիկներով, առանց պարուրվող փոքր ելուստների, միջին հորիզոնական ստիղնի երկարավունությամբ և համաչափությունների ընդլայնական շեշտով: Միաժամանակ այս տառաձևերը չափազանց նման են Ավանի եկեղեցու պատին փորագրված նույն ՅՈՂԱՆ անվան տառաձևերին: Նկատի առնելով այս երկու արձանագրությունների հնադրական ընդհանրությունը, ինչպես նաև ՅՈՂԱՆ անվան նույնությունը Ն. Տոկարսկին հնարավոր է համարել շինությունը թվադրել Յոհան Սյունական հակաթոռ կաթողիկոսի ժամանակներով (590—611)<sup>1</sup>:

Արձանագրությունների ընդհանրության հիման վրա եկեղեցու թվագրումը չափազանց կարևոր է, որովհետև դրանով հնարավոր է լինում այս եկեղեցու հորինվածքի ակունքները ևս որոնել VI դարում:

Ամենևին չվիճարկելով այս և Ավանի եկեղեցիների թվագրման հարցը, մասնավորապես, որ վերջինիս վերաբերյալ գոյություն ունեն անհերքելի մատենադրական վկայություններ, ցանկանում ենք արձանագրությունների վերաբերյալ մի բացատրություն տալ:

Առանձին անվան ձևով արձանագրություններ հանդիպում են Հայաստանի մի շարք հուշարձաններում: Առվորաբար դրանք փորագրվել են բավական խոշոր ու գեղեցիկ տառերով և ըստ այնմ ունեցել են որոշակի կարևորություն: Այնքանով, որ արձանագրություններին վերագրված են կոտորակալի իմաստ և, եթե նկատի առնենք նրանց ոչ եզակի դեպքերը, պետք է ենթադրել, որ կոտորակի անվան ալգորիթմի արձանագրումը ունեցել է սովորույթի բնույթ:

<sup>1</sup> Н. М. Токарский, Джрвеж, I. Результаты раскопок, Ереван, 1957, стр. 15.

Սակայն համեմատական քննությունն այս հարցում թույլ է տալիս անել մի այլ, էական տարբեր մեկնություն: Այն շինությունների վրա, որոնք կառուցվել են տեղական համայնքների, պետական կամ եկեղեցու միջոցներով, շինարարական արձանագրություն չի փորագրվել: Իսկ եթե շինարարական աշխատանքները նախաձեռնվել են որևէ մարդու կամ մի խումբ մարդկանց միջոցներով, ապա եկեղեցու պատին կամ որևէ կոթողային հուշարձանի վրա այդ մասին արձանագրվել է ընդարձակ կամ չափավոր մի արձանագրություն:

Արձանագրություններ, առհասարակ, փորագրվել են ամենատարբեր առիթներով և բոլորն էլ ունեն որոշակի բովանդակություն: Այդ հիման վրա նրանք դասվում են այս կամ այն հարցերին վերաբերողների թվին՝ շինարարական, նվիրատվական և այլն: Արձանագրություն թողնելը ունեցել է միանգամայն նպատակային, ավանդական սկզբունք, և դրա իրավունքը վերապահվել է միայն եկեղեցուն, ինչ որ ձևով նպաստ կամ բարեգործություն կատարողներին: Այս տեսակետից առանձնապես հատկանշական են շինարարական արձանագրությունները և հազիվ թե որևէ կառուցող իր մեծածախ աշխատանքների դիմաց համաձայնվեր իր անվան այդպիսի անորոշ ու մեկուսի ձևով հիշատակման հետ, մանավանդ, եթե նա բարձր աստիճանավոր էր:

Նկատի առնելով արձանագրման պրակտիկ պահանջները և սկզբունքները, այս տիպի արձանագրությունները կտիտորների անուն համարել չի կարելի: Դրանց առկայությունը, անտարակույս, վկայում է, որ գոյություն է ունեցել արձանագրման ևս մի պրակտիկա՝ միանգամայն տարբեր նպատակով: Դրանք պատահական մարդկանց անուններ չեն, որովհետև նախ՝ հուշարձանի վրա մեկից ավելի չեն լինում և երկրորդը գրության ձևով էլ աչքի են ընկնում միատեսակ գեղեցիկ տառերով: Այստեղ չեն եղել նաև եկեղեցու ծառայողների անուններ, որովհետև հիշատակման այդ եղանակի դեպքում դա զուրկ է որևէ իմաստից, մանավանդ որ վիճաբարական բազմապիսի նյութերում նրանք հիշատակվում են իրենց կատարած գործերի մասին տեղեկություններով:

Շինությունները կանգնեցվել են ինչ-որ մեկի միջոցներով, և արձանագրության մեջ «շինեցի» բառը, ինչպես պարզաբանել են ուսումնասիրողները, հարկավոր է ըմբռնել նպաստավորեցի իմաստով<sup>2</sup>: Այս արձանագրություններում նպաստավորողը հանդես է դալիս որպես հիշատակվող ամենագլխավոր անձը: Ինչ վերաբերում է իսկական շինողին՝ ճարտարապետին և շինարար վարպետներին, ապա նրանք արձանագրություններում հիշատակվում են խիստ հազվադեպ և այն էլ վերջում: Երբեմն նրանց հնարավորություն է տրվել շինության որևէ մասում կարճառոտ մի հիշատակություն թողնել<sup>3</sup>: Այդպիսի մի օրինակ կարելի է տեսնել Հառիճավանքի արևելյան պատի քիվի վրա: Ըստ էության նույնպիսի բնույթ ունեն նաև վարպետների նշանները, թեև պատճառը կարող է այլ լինել<sup>4</sup>: Սակայն, բոլոր դեպքերում, ինչպես և վարպետների նշանները, դրանք կրում են ստորագրման բնույթ: Այդպես են փորագրվել նաև բազմաթիվ գրիչների անուններ, որոնք, սակայն, կապված լինելով արձանագրության հետ, ուղեկցվել են նաև «գրիչ» բառով: Այս ամենից պարզ է, որ հիշա-

2 И. А. Орбели, Избранные труды, т. 2, 477—481.

3 Ս. Բարխուդարյան, Դիվան հայ վիճագրության, պր. III, Երևան, 1967, էջ 121.

4 Ս. Մնացականյան, Միջնադարյան Հայաստանի շինարարական գործի կազմակերպման մի քանի հարցերը և քարագործ վարպետների նշանները, «Պատմա-բանասիրական հանդես», 1958, № 3, էջ 84—105:



տակությունը արվել է կատարված գործի համար: Ո՞րն է եղել հիշատակված անձանց գործը: Ինչպես ցույց են տալիս մի քանի պարզաբանված օրինակներ, դրանք կարող էին միայն ճարտարապետներ-վարպետներ լինել: Վարպետների նշանների նման նրանց անունները հիշատակվել են նաև տառակցման կամ անվան առաջին տառի ձևով: Այդպես է հիշատակված Թողոսակի անունը Ջվարիում: Սակայն հանդիպում են նաև ամբողջական անվան ձևով, ինչպես, օրինակ, Ջվարթնոցում: Այդպիսի բացատրություն է տվել Գ. Հովսեփյանը նույն ձևով հիշատակված ՍԱՀԱԿ անվանը Պտղնիի եկեղեցու վրա:

Այդպիսի արձանագրության մի օրինակի էլ հանդիպում ենք Գառնահովիտի եկեղեցու ոլոտին, որտեղ պահպանված է ՎԱՐԴԵՍ անունը, ինչպես և նույն օրինակով ԳՐԻԳՈՐ ԳՐԻԶ-ը:

Իրենց հնագրական առանձնահատկություններով այս արձանագրությունները բոլորովին չեն տարբերվում VII դարի արձանագրություններից: Դրանցից երկուսը հիշատակում են միայն մեկ անուն՝



ՎԱՐԴԵՍ, մյուսը տառակցման ձևով: Երրորդը՝ ԳՐԻԳՈՐ ԳՐԻԶ:

VII դարի համար չափազանց տիպական է Վ տառը: Այն պատկերված է երկու իրար բացարձակապես հավասար ստեղծանքով, որպիսին անվերապահորեն բացառվում է հետագա, նույնիսկ հնագրական պատճեններում: Տառակցման օրինակում, չնայած տառաձևերը կրկնելու ջանքերին, հետագա գրչին չի հաջողվել հաշվի առնել տառի հնաձևության այդ առանձնահատկությունը, և աջակողմյան ստեղծը դեպի ներքև երկարացված է:

Ա սառը իր եռասանյունությամբ և համաչափություններով վերին աստիճանի բնորոշ է VII դարի համար: Ս և Ր տառերը ժամանակագրական հատկանիշ չունեն: Դ և Ս տառերը իրենց հորիզոնական ստեղծների երկարավունությամբ ամբողջացնում են արձանագրության ժամանակագրական այն կերպարը, որը կասկած չի թողնում արձանագրությանը VII դարով թվագրելու հարցում:

Թևե և այս արձանագրության հիման վրա անհնար է գոնե մոտավորապես որոշել եկեղեցու կառուցման տարեթիվը, սակայն նրա VII դարին պատկանելը կարող է հաստատուն լինել և կողմնորոշել տարեթիվը այդ դարի սահմաններում որոշելու համար:

Ելնելով այս տվյալներից կարծում ենք, որ կարելի է ՎԱՐԴԵՍ-ին համարել Գառնահովիտի, իսկ ՅՈՒՀԱՆ-ին Ավանի ու Ջրվեժի եկեղեցիների ճարտարապետ, թևե և ճարտարապետներ, վարպետներ, որովհետև նրանք կարող են նույն անունը կրող տարբեր անձնավորություններ լինել:

Եթե նկատի առնենք քարադործ վարպետների նշանների ավանդական երևույթը, ճարտարապետի անվան ամբողջական գրառման նախապատվությունը միանգամայն բնական պետք է համարել:

Գեղեցիկ տառերով գրված և շինության որևէ արձանագրության հետ չառնչված այս հիշատակությունները այլ բացատրություն ունենալ չեն կարող<sup>6</sup>:

Այս վիճաբարական հիշատակարաններից հայտնի են դառնում ևս մի քանի հուշարձանի ճարտարապետների անուններ, որոնք եղածն համալրելով, կարևոր նյութ են հանդիսանում թե՛ հուշարձանների կատարյալ և ամբողջական ուսումնասիրության, և թե՛ միջնադարյան կուլտուրայի կերտողներին ընդհանրապես ճանաչելու տեսակետից<sup>7</sup>:

## ОБ ОДНОЙ ТРАДИЦИОННОЙ ФОРМЕ НАДПИСЕЙ

А. А. МАНУЧАРЯН

### Резюме

В научной литературе укоренилась точка зрения, что в аванской надписи высечено имя католикаса Иоанна—ктитора этой церкви. Ктиторские надписи обычно высекались в том случае, если здание возводилось на средства одного человека или группы людей и если они имели целью увековечить имя строителя.

Имея в виду практические требования, предъявляемые к надписям, эти надписи ктиторскими считать невозможно. Сравнительный материал и некоторые объясненные примеры свидетельствуют, что здесь могло быть упомянуто только имя архитектора.

Имя архитектора встречается весьма редко и обычно изолировано, а иногда даже в виде одной только буквы.

В виде полного имени можно видеть в Звартноце. Такое объяснение дает Г. Овсепян имени Саак, которое высечено на стене церкви в Птгни. Точно такой же пример можно встретить в Гарнаовитской церкви, которую, как показала надпись, построил Вардес.

Согласно палеографическим особенностям всех надписей, они высечены в период VI—VII вв.

<sup>6</sup> Ս. Բ ա ռ խ ու ղ ա ղ ան, Միջնադարյան հայ ճարտարապետներ..., էջ 22:

<sup>7</sup> Նույն տեղում, էջ 14: